



SAOPŠTENJE ZA JAVNOST

Fondacija za izvrsnost u obrazovanju, poduzetništvu i društvenom aktivizmu „Mulalić“ pruža podršku obrazovnim projektima i korisnim društvenim inicijativama. Cilj djelovanja Fondacije je dobrobit svih građana.

Fondacija je u toku prošle godine, podržala izradu Studije urbanih pravila i Studije budućnosti obrazovanja. Iste su bezuslovno stavljene na raspolaganje struci i vlastima.

Za potrebe izrade svih studija, Fondacija renomirane lokalne, regionalne i svjetske stručnjake povezuje sa relevantnim institucijama da zajednički generiraju dokumente koji bi pomogli razvoj potrebnih sektora. Ukratko, Fondacija može priskrbiti stručnjake, pokrivajući njihove troškove, a institucije sa njima kreiraju sadržaj, potencijalne agende, istraživanja i slično.

U skladu sa svojom vizijom, Fondacija je za obrazovne projekte primarno kontaktirala nadležne institucije, u ovom slučaju Ministarstvo za odgoj i obrazovanje Kantona Sarajevo. U razgovorima sa ministricom, iskazana je potreba da se obrazovni sektor bliže upozna sa najrecentnijim naučnim spoznajama u polju studija budućnosti (futures studies). Na temelju prethodno potpisanog Memoranduma o razumijevanju i saradnji, Fondacija je obezbijedila dolazak vodećih istraživača na polju futurologije i studija budućnosti.

Stručnjaci iz britanskog centra CPPFS radili su i rade na brojnim obrazovnim projektima o pismenosti o studijama budućnosti kako u Velikoj Britaniji, Evropskoj uniji, tako i u SAD-u, Maleziji i Australiji.

Ziauddin Sardar je penzionisani profesor Pravnog fakulteta na Univerzitetu Middlesex, profesor postkolonijalnih studija na Univerzitetu u Londonu, renomirani intelektualac, nagrađivani pisac, kritičar i mislilac koji se specijalizirao za studije budućnosti, futurologiju i nauku te je jedan od prvih komesara britanske Komisije za ravnopravnost i ljudska prava.

Christopher B Jones je profesor i voditelj doktorskog studija za javnu politiku i upravu na Univerzitetu Walden, doktorant političkih nauka i filozofije, bivši generalni sekretar Svjetske federacije za studije budućnosti.

Scott Jordan je filozof, politolog, pisac, urednik i istraživač, specijalista za studije Istoka i Zapada koji opširno piše o politici, kulturi, filozofiji i obrazovanju.

Rezultati Studije su javno prezentirani krajem 2023. godine širokom auditoriju. Ubrzo nakon toga, Fondacija je izložena neargumentiranim optužbama, insinucijama i zluradim neistinama. Fondacija ne želi učestvovati u takvim žalosnim radotama jeftine samopromocije, ali ne odustaje od svoje misije da čini i promiče dobro za boljitak svih u našem društvu.

Naglašavamo, Fondacija nije autor Studije i nije radila na njenom kreiranju, te samim tim nije meritorna da diskutuje o njenom sadržaju. Fondacija ne učestvuje u eventualnom implementiranju Studije u praksi niti se uključuje u procese reforme obrazovanja u Kantonu Sarajevo. O tim procesima treba da odlučuje struka i nadležno Ministarstvo.



Fondacija „Mulalić“ Sarajevo

Lejla Mulalić, direktorica

